

Գ Լ Ո Ւ Խ Ի Բ .

Աղերսագիր Հայոց առ Սուլթան Մահմուտ Բ : Բէիզ Վահիտ Էֆէնտի :
Դատ Հայոց ընդ Յունաց Ի Փաշա Գարուսին վասն Ս . Տեղեաց ,
Ի 4 նիստս :

ԻՍԿ Ի Կոստանդինուպօլիս յետ անցանելոյ ամսօրեայ ժամանակի՝ ել բանակն Օսմանեան Ի դաշտն Տալուտ Փաշա կոչեցեալ՝ գնալ Ի պատերազմ՝ ընդդէմ՝ Ռուսաց , և ամենայն աւագանին ընդ նմա , և Ի տեղի նոցա անցին այլք : Յայնժամ Հայք խորհրդով իշխանաւորաց ազգին մատուցին գիր աղաչանաց առ Արքայն Սուլթան Մահմուտ Բ . բազմութեամբ՝ Վեղարաւորաց , Եպիսկոպոսաց , Վարդապետաց , Քահանայից և այլոց , որք էին արք իբրեւ 500 , յաւուր Ուրբաթու յիւսկիւտար առաջի Այազմայ մզկիթին : Զկնի աւուրց ինչ կոչեաց առ ինքն Բէիզ Էմին Վահիտ Էֆէնտի զերկուս Ի գլխաւորացն Հայոց խօսիլ ընդ նոսա և հարցանել և կամ սպառնալեօք ահաղուցանել : Գնացին առ նա Ի Դուռն Պօղոս եպիսկոպոս Առաջնորդ Պրուսայի , Պօղոս վարդապետ Փոխանորդ Երուսաղէմի , և այլ անձինք և Ի ժողովրդոց , ուր էին Պէյլիքճի և Մեքթուպճի Էֆէնտիք : Հարցին զնոսա և ասեն , զի՞նչ է այս յանդգնութիւն ձեր , զի առանց գիտութեան մերոյ գիր աղաչանաց մատուցանէք առ Արքայ , ձանձրացուցանէք զնա եւ զմեզ : Յայնժամ Պօղոս վարդապետ յառաջ մատուցեալ սկսաւ պատմել մի առ մի զամենայն արարս Յունաց . ետ կոչել Բէիզն զԱտենական Թարգմանն (Տիվան Թէրճիմանի) ազգաւ Յոյն , յոր յուսացեալ էին ամենայն ազգայինք նորին , և ասէ ցնա՝ լուր զի՞նչ ասեն Հայք . և նորա սչուցեալ հայեր՝ և ոչ կարէր առնել պատասխանի ինչ : Իսկ Պօղոս վարդապետ առաւել համարձակեալ Ի բանս իւր՝ հաստատէր զանիրաւութիւնս Յունաց : Եւ Պէյլիքճին որ Ի կողմն Յունաց էր , ընդդէմ՝ կացեալ բանիցն Պօղոսի՝ ահաբեկէր զնա . անկարելի է ասէր զիտումն ձեր՝ զի իրաւունքն Յունաց է , դուք ոչ գիր և ոչ արձանագրութիւն ունիք , և ոչ հրովարտակի հաւանիք . իսկ Պօղոս զհակառակն պըն-